

澤雅堂詩二集

澤雅堂詩二集卷一目錄

別戴園

癸酉

乞藍洲畫戴園圖贈行

別眉叔

病驥吟與仲瀛

雪夜讀湯紀尙伯述見贈之作

哭六兄元通

答伯述三首卽以誌別

出門

甲戌

別退菴

荆塞舟中大雷雨

渡黑水洋同勉鉏陶紫畛方錡作

勉鉏招飲同紫畛及陳汝翼翥樊雲門增祥陶仲
彝在銘少箕祖望作

慈雲寺松

過楊忠愍公諫草堂

同仲瀛白叔游城西諸寺作一絕句

贈張颺民祖繼

有序

將之隴西留別南歸諸故人

留別張曉山炳耀時曉山將歸湖州

留別李若農師及夏子松潘伯寅兩先生

留別松溪仲瀛

別仲脩

別儀甫

別爽秋

別紫畛

首途

行抵保定卽事

贈朱亮生采

有序

清風店

行次定州

滹沱河

獲鹿道中

自獲鹿至井陘

自井陘至平定

靈石道中

韓侯嶺

豫讓橋

潼關

過華陰禱於嶽廟

抵華州
驪山歎

澤雅堂詩二集卷一

烏程施補華均父著

別戴園

癸酉

去年戴園除莽蕪分花種竹親攜鉏今年戴園春事好
新竹抽筍花承跗春風駘蕩弄晴色時有蜂蝶來嬉娛
幽亭曲榭坐吟賞吾樂亦與蜂蝶俱明年戴園屬誰氏
糞溉肯及根株無花竹無心媚晨夕於人於我何親疏
人生離合古無定譬如萍梗浮江湖江湖到處有花竹
性情所寓皆歡愉佳日有情去無恨魚鳥久習應知余
三千里外明月夜清夢或到園中廬

乞藍洲畫戴園圖贈行

戴園寓客皆文豪厚我更有陳與高

仲瀛

高生觀世窮

利病精思未肯遺秋毫
犁然經緯在胸臆和神儉德相
含韜陳生肺腑洗塵垢皎如孤月
臨層霄閒時書畫膏
自寓清氣繞筆驚寒飈六年旁舍
其花竹二子雅奏和
笙簫扶持各欲出苦語愛慕自覺
逾同曹疏窗細雨對
華燭顧影我獨悲霜毛更闌燭盡
飢鼠出陳生熟睡高
生嘲天涯地角忽聚散船脣馬尾
淹昏朝老懷鬱鬱念
林壑二子遠矣何由招陳生陳生
絹一匹丹青爲我經
營勞離情如夢不可畫但畫此日
同遊遨有亭有臺映

草樹淙淙流水通，溪橋巾屨依然聚。堂上笑語頗似聞，
林坳是陳是高孰是我。聊以意別非形膠，更邀寓客互
題詠。庶令行子忘寂寥，揮手一別關河遙。塵沙莽莽吹
征袍，戴園蜂蝶舊相識。明年獨舞春風嬌，還從畫裏呼
二子看我野店浮村醪。

別眉叔

長沙門下客，謂伯澄侍郎師跌宕皆清流。三年共校書，我去君

猶留我去安所適。飄搖乘虛舟，隨風狎蛟龍。或上蓬萊
洲，手折珊瑚枝。笑與安期游，歸攜無核棗。萬里貽朋儔，
君留亦不惡。戴園清且幽，但令此心遠。在目皆林邱，花

竹我所惜每對成詞謾願君常愛護無使蜂螿愁人生
有聚散本似萍蓬浮萍蓬散復聚偶爾良所求獨憶長
沙公晚臥瀟湘秋眷焉念故歡夢繞吳越州甯知風雪
夜二子相唱酬

病驥吟與仲瀛

病驥臥槽櫪敢與驚駘爭商風吹拳毛仰首聊一鳴鳴
聲憤且哀伯樂知其情相將濯泥淖老淚紛縱橫飛龍
降精時雷雨驚晦冥焉知千金骨歲暮空崢嶸居汝上
殿廣飲汝長流清昂昂四蹠展蕩蕩千山平懷忠趨敵
壘抱順登王庭精力誰不惜感激殉其名我哥病驥篇

慷慨向友生報君相士眼皎皎孤月明

雪夜讀湯紀尙伯述見贈之作

夢醒水窗下夜風聞竹鳴室中幽且靜但覺蒼寒生肅肅集林氣蕭蕭隨雪聲凍雀時驚翻未曙庭戶明池閒稍欲聚檐際忽已盈之子賦新詩貽我綢繆誠懷抱如此雪皚然兼眾清迢迢及晚歲贈處持古情飛鴻不可招浩浩煙江橫

哭六兄元通

草木皆緣地人生未有根命衰才亦退形去想猶存太息通魂夢依然戀子孫家門零落盡已矣我何言

答伯述三首卽以誌別

桓生陳車騎自謂稽古榮鄙哉此懷抱商賈於六經道
喪更千載齷齪多小生讀書謀其利甯復知好名相國
起閭巷慨然周孔情孤孫飽舊德志節能崢嶸一我重
且大遂覺他緣輕游心典籍內學古通精誠窮冬寄我
書遠識非近營方寸絕芬濁皎皎如日星

涼蟬咽清露秋至鳴聲悲問蟬何事鳴鳴者初不知春
蠶繞簾箔仰首吐柔絲宛轉腹中久欲出不自持鄰廚
富魚肉甯得爲我私采采籩下豆晚食堪充飢元音出
自然眞力非僞爲斯義豈不廣吾以治吾詩

來書問作
詩法故及

乙

同居有異趣形接神參商此心苟相許千里如一堂會
合豈不樂離別豈不傷子棲田廬聞名德日以昌我行
非得已登高時悵望出處匪一節南北亦各方悠悠申
前期甯卜短與長見面心不慚不害鬢眉蒼結交滿吳
越深淺情自量寫誠唯數子姓氏鐫肝腸乾坤夜寂然
皎月流清光身與孤雲飛思逐歸鴻翔

出門

甲拔

病翻不忘飛痿足不忘走嗟哉丈夫雄寂寞臥林藪雞
鳴天未曙燈火耿疏牖披衣步中庭歷歷看牛斗青雲

在我前白日在我後山川阻且修車馬待已久六親臨
歧路萬里揮別酒鬢眉映明鏡咄咄恐孤負或者晝凌
煙帝遣丹青手蚊睫一乾坤蟪蛄爾何有

妻孥相依戀吾亦猶人情依戀苦無益不如舍之行春
風號萬竅滿耳皆離聲離聲非春風無奈離人聽人生
無乖違何以有合并我聞諸姜氏懷安常敗名偉哉此
人婦一語英雄驚閉門擁親愛頗惜銷臣精有家忍勿
卹無淚將焉傾蟲鳥或求息誰樂勞其行我行殊慷慨
此意良難明

別退菴

一鳥出林將遠飛一鳥垂翅常苦飢徐行卻顧啄蟲蟻
網羅猶畏人相欺將飛不飛念飢者啾啾欲與言別離
長風浩蕩吹羽翰天高路迴何時歸危巢傾側安足戀
日夜願子豐毛衣如今憔悴莫哀叫鷹隼相憐燕雀笑
荆塞舟中大雷雨

今年正月天氣異驚蟄乍過雷霆飛凍雨殘宵魂夢駭
電光青赤穿窗扉雄濤惡浪鼉鼉窟百里顛風斷舟楫
疑是天公起臥龍東雲出爪西雲翬

渡黑水洋同勉鉅陶紫畛方錡作

怪雨濯魂夢冥冥滄海寒眼明驚曉日心定失狂瀾談

笑諸天近乾坤此會難樓臺眩金碧蜃市與同看

勉鉏招飲同紫畛及陳汝翼翥樊雲門增祥陶仲彝在

銘少賓祖望作

長安萬事無不有十日方爲閉門守磊落偏逢我輩人
蒼騰且盡他鄉酒槐花初開舉子忙青衫合沓紅塵走
千貨駢闐百戲陳斜街人散黃昏後酒樓一醉勝歌場
祇有良朋無膩友登盤肥鴨毛以蔥示客鮮魚貫之柳
觥籌錯雜較輪贏傭保聰明記誰某酒闌更誦北征篇
嶽色河聲落吾手汝翼雲門仲彝
有北道聯吟集行招風月入南宮坐
看樓臺依北斗常兒齷齪那足數得意如龍失意狗試

呼太史識星辰文昌耿耿天廚右戰藝應須矮屋誇探
幽更與高人偶盤山時有看雲僧豐臺猶遺賣花叟閒
騎瘦馬一相尋主人載酒能從否

慈雲寺松

慈雲寺裏松千尺題詠曾聞老輩留翠幹久爲鸞鶴宅
孤根長託帝王州空山偃蹇原同氣大廈扶持或爾求
一笑城南桃李樹穠華唯媚綺羅游

過楊忠愍公諫草堂

燕市月如霜長懸諫草堂文章無此辣枷鎖至今香舊
宅埋輪地孤忠折檻郎流風揚左輩異世擊貂璫

兩疏驚羣鬼神羊志觸邪人閒無白日地下有青霞晚
鳥招魂曲名園濺血花鈴山驅馬過羞問宰臣家

同仲瀛白叔游城西諸寺作一絕句

清游欲徧城西寺寺高槐送午風蝴蝶成團蜂作隊
鐘聲不到萬花中

贈張颺民祖繼

有序

颺民南皮布衣聞余名初不相識余甲戌會試被放
颺民爲涕泣者累日余聞而媿謝焉他日踵余門以
詩見質貌狀樸陋與之語肺腑槎枒蓋唐衢方干之
流也將有遠行作詩留別

張君抱詩癖憔悴思力專苦心乏甘語獨學三十年敝
衣叩吾門率然手一編求吾攻瑕疵下拜同方干世人
以詩媚體態爭便娟君詩如諫果酸澆回芳鮮又若荒
穢中幽芬揚蘭茝時時見孤清甯復嗤其寒東坡謂東
野吾意殊不然空螯亦有味咀嚼流饑涎寒蟲號秋風
足和淒涼絃甘苦皆心聲茶飴各有天況君交友朋慷
慨披心肝聞吾再下第涕泗紛連連結契在性情文藝
非所先君貌如君詩外醜中愈妍煙雨霾七竅卓哉臺
卿賢憂患摧孝章壽命嗟難堅微蟲蝕果蓏詩好天不
憐吾將四千里策馬臨酒泉毛錐爾何物十萬驅控弦

封侯良未必或勝秋螢乾作詩別詩人幸君長自寬
將之隴西留別南歸諸故人

故園櫻筍幾人還憐我西征別淚潛抱玉已成雙足別
著書應負一身閒功名摘句尋章外位置參軍主簿閒
比較蠹魚乾死好揮鞭何處六盤山

慚負王郎斫地謠桑乾回首水揚波東門倚嘯憂何極
南苑隨游樂正多幽薊浮雲掩白日關山立馬看黃河
還家出塞皆良計奈我蕭蕭白髮何

留別張曉山炳耀時曉山將歸湖州

酒徒張仲厚

曉山之弟
名堯封

哀憤一身輕門戶存孤子天涯

泣寡兄青山歸夢遠白髮其愁生黯淡尊前色如予下

第情

醉臥長安市何人識老張愛心中夜歎混迹少年狂山
水揮奇筆

曉山工繪山水

煙雲入故鄉還應蒼莽外一葉著歸

航

憑君還井邑爲我語兒曹萬里趨關隴雄心託佩刀生
如千里驥老覓九方皋汗血應留種昂昂勿戀槽

留別李若農師及夏子松潘伯寅兩先生

蹭蹬名場白髮新晚攜蕃劍傍邊塵羊公未免空譽鶴
鄧禹從來善笑人愁對西風聞鼓角長依北斗識星辰

近臣努力調元氣看取年年塞草春

阿閣沈沈集鳳凰高鳴猶似待朝陽好逢佳節呈金鑑
莫羨賡歌繼柏梁海上鯨鯢還未戮人閒花石本無綱
秦城回首觚稜遠道路應聞有諫章

欲尋初服意徘徊投筆西征更自哀軍幕似聞容揖客

薦書曾許作邊才

余赴格靖幕爲石泉中丞師所薦

陰雲大漠孤鴻遠

落日長城萬馬來一念功名遭墮落難隨仙侶住蓬萊

留別松溪仲瀛

臧胸千萬語將與敘離別臨觴意惘然一語未能出此
酒非醉人我自肝腸熱直視千里閒黃塵淹白日炎風

信燦怒智士憂霜雪車馬一東西前期苦難必躊躇而
旁皇稍語還鬱結王生捧檄去慄慄初心失高生胡不
歸萬變觀一室腐儒三十年慷慨晚投筆瑜亮易淪亡
乾坤久蕭瑟傷哉開濟心勉矣委蛇節秦雲望蒼莽隴
水鳴嗚咽良禽擇佳木勞瘁不遑恤今朝幸合尊明日
惜分轍聚散匪死生尙可忍淒切平生矯矯志中路勿
摧折相期庭樹枝甘苦俱垂實

別仲脩

別席回尊勸譚子風塵捧檄亦堪哀平生看盡魚龍戲
垂老登場試一回

別儀甫

萬里伊涼獨請纓，還將歸計問潘生。
柔絲脆竹羈人耳，知是歡聲是恨聲。

別爽秋

絕好溪山等未歸，東勞西燕又分飛。
長安自古塵如海，衆裏回身惜素衣。

別紫畛

陶生別我長安市，側帽填詞正少年。
莫把芬芳盈手贈，幾人禁得此纏綿。

首途

蕭疏散霽雨，煜爚變炎景。飄飄遠行客，寒暑默自警。晨
策乘清涼，我起僕未醒。雲霧寄眇眇，西山淡如影。高原
沙土結起伏，若岡嶺稍夷。喜易進漸隘，憂難騁陰森。轉
叢木下有百年井，汲井飲我驢。轆轤鳴斷綆，悠悠勞者
歌。始涉幽燕境，河西四千里。到及秋，颼冷。

行抵保定卽事

保定城西三日住，土牆茅屋塵埃生。臥聽羣蠅撲窗紙，
忽如小鼓瑟瑟鳴。探囊臙篋古來有，事過未覺心魂驚。
振衣一笑出門去，長林古驛初蟬聲。

贈朱亮生采

有序

亮生嘉興奇士懷負非常余聞名二十年未相識也
甲戌五月余赴恪靖伯蘭州戎幕道出保定被盜暫
留而亮生適在此閒遂與相見亮生亦具道傾折之
意瀕行置酒爲別作三詩贈之

異地初相識神交二十年萍蓬成此會盜賊若爲緣
慷慨登車意淒涼伏櫪篇炎風吹別酒攬袂各茫然

下土空懷抱中年各賤貧青雲頻看烏白髮久依人世
有艱難會天留老大身風塵滿顏面尙想畫麒麟

關河六月秋車馬去悠悠我意傷遙別人言愛遠遊
儻餘妻子戀但爲稻梁謀隨處安身好何由下隴頭

清風店

黯黯忽已朗
微微沙路斜
樹聲風落棗
水暈雨跳蛙
村小猶成市
泥深漸沒車
客愁彈不散
渾欲怨琵琶

地有女妓

驚歌者

行次定州

定州爲古中山郡

定州城郭鬱嵯峨
懷古傷今慷慨多
身世最憐醕酒好
功名無奈謗書多
曉煙黯淡鴉嗁屋
初日蒼涼客渡河
差勝詩人劉夢得
沈舟病樹坐吟哦

滹沱河

懷古滹沱水
艱危漢業興
臣心一盂飯
天意滿河冰
事

去濤仍壯沙虛岸欲崩臨流朝飲馬仗策我猶能

獲鹿道中

敝車曉渡滹沱河高高下下行坡陀坡陀垂盡苦泥潦
時驅瘦馬穿長禾土山如牆忽對立脩蛇一徑蜿蜒入
涼颶不到塵暗飛草樹騰騰薰午日獲鹿城邊大道斜
賣漿鬻餅兩三家明朝又向山中去萬石雷霆鬪敝車
自獲鹿至井陘

上坡如有求旁皇多懷憂下坡如有取急切無餘謀下
坡入山腹但見山四周陵阜相蔽虧微路深於溝出曠
誤晨駕入輿疑暝游就夷蹠暫騁度險輪半留斗然臨

絕磴人馬同時愁，嶮峻不易上。一步方五休，鞭聲雜號
叫。雷霆轉雙駟，太行四天門。巨石橫如牛，今朝陟其一。
前路猶阻修，飢腸鳴轆轤。日午荒山頭。

飽餐更登車，斜日將及酉。車痕深入石，趨先忽已後。大
川驟空涌，亂石挾之走。羣流爭一隘，搏激作狂吼。山田
小於瓦，縱橫不成畝。垂垂禾吐華，漑灌知已久。暝煙有
禽歸，荒戍無兵守。嶺月出未高，微茫輝谷口。孤村抱層
崖，林際聞吠狗。下山多峻坂，滑澆蹶難受。羣峰近障月，
徑黑淤泥厚。孤城迷西東，一問道旁叟。
自井陘至平定。

心夷世無險匹馬臨井陘連山若旌旆如見淮陰兵淮
陰去千載懷古才縱橫孤雲卷飛雨衆壑濛濛青猱升
苦巉削蛇赴憂晦冥一夫足辱守兩鼠宜勇爭左車出
奇計趙聳終勿聽英雄知彼此颺忽成功名佛言學我
死絕地非能生腐儒泥兵書禍敗徒自嬰我願雷公斧
一鑿千崖平旣杜才傑據亦釋行旅驚人生犯險隘其
意各有營我馬復何罪骨折長悲鳴振策忽西笑造物
勞我形傷寒苟不汗七日命亦傾山村晚投止恬夢呼
不醒

東峰初吐日西峰又飛雨陰雲忽東西雨來無定所天

門青巍巍萬石蹲，
貔虎倏入雲雨中。
恍惚失全覩，
我行山澗底。
正惜沾濡苦，
飛流爭赴澗。
洶湧聲如鼓，
驅馬上懸崖。
杲杲日當午，
十里更五里。
零落見山戶，
炎風復倒吹。
挾雨洗村塢，
六月事長征。
慷慨其儔侶，
山靈偶挪揄。
風雨爲餞祖，
艱危心所甘。
恥與閒人語。

靈石道中

濤浪送行客，
汾河百里渾。
沙田低傍水，
山縣小於村。
崖斷偶雲氣，
車鳴忽石根。
晚餐先落日，
溪店早關門。

韓侯嶺

孤嶺雲霧表，
垂徑秋蛇紆。
凌晨犯絕險，
命與鬼伯俱。
回首

途屢休息精力陰爲儲幽崖緣偪仄瘦石穿崎嶇將夷
忽窻墮欲止仍峻趨人馬汗如瀉氣盡千號呼初日照
顏面百慘無一愉升嶺謁祠墓山風來四隅無人置萬
家守此歸骨墟功名遭世忌流涕方沾襦千秋幾豪傑
俯仰心躊躇古人不見我懷恨當何如

豫讓橋

九死酬知己安能視衆人橋頭嗚咽水長恨二臣心

潼關

秦雲忽擁華山來窈窕三峯翠作堆疲馬臨關看晚日
長河落地走晴雷涼風六月多秋思王氣千年更霸才

北望幽燕東望洛奉春良策古今推

過華陰禱於嶽廟

太華雄秀咸陽東芙蓉十丈開秋風噓雲吹雨出靈異
父老往往嗟神功西方作鎮有專職祭秩自昔從三公
陰森祠宇傍巖壑參天檜柏青濛濛是時正值雲釀雨
蒼莽不見東南峯道人傴僂肅遠客自開前殿撞清鐘
升階伏地事祈禱我意亦復嚴且恭衛公慷慨古才傑
欲借雷雨隨飛龍傲然干請神勿怒僕射恍惚呼青空
我今四十行老矣素髮繞鬢如霜蓬短衣匹馬赴邊塞
意氣猶可千夫雄尋常富貴不挂眼磊落兵甲曾藏胸

王侯將伯苟可致迴戈驅日當再中不然得失輕雞蟲
賣瓜種菜甘長終手持杯琰試一擲精誠耿耿神靈通
長風忽掃煙翠封倚天矯矯青夫容神靈見貺良已豐
我詩亦效昌黎翁

抵華州

玉女娉婷乍洗頭煙鬟無數倚清秋車中看盡新妝好
疎雨涼蟬過華州

驪山歎

物生爲土石永與世事違驪山爾何辜頻見烽煙飛周
秦及漢唐宮闕相因依朱闌循宛轉翠閣連崔巍珍木

鬱青蔥文禽鳴高枝游林擁錦轡侍宴褰珠衣豈不極
榮寵巖岫生光輝君王抑何樂民物毋乃疲荒淫召變
亂一炬無或遺生近帝王州草木含禍機前者化焦土
後者經營之殷鑒頗不遠嬉娛曾未思我欲呼愚公移
汝蓬萊池冷風萬萬古長其神仙期

澤雅堂詩二集卷二目錄

旅舍夜起作

奇木

沈吉田觀察應奎以詩集見示作此奉贈卽以志

別

邠州雨阻

長武道中

六盤山

高家店雨

青嵐山

節園中秋

節園四詠

鄭樵卿太守子兆屬題美人畫幀

詠懷

金城雜感

答湘鄉章淡甫瑞坦

得家書

雪夜與梅溪飲酒

雪後同羅鏡鯤張海樓汝學梅溪登拂雲樓觀黃

河冰橋

左孝子詩

十二月二十日崇雋峰方伯保招飲時河州之賊

初平官民相慶飲次極歡歸作一首

遙哭楊黼香太守詩三十韻

送張介卿觀察宗翰還湘陰

乙亥

送饒子維太守應祺之官秦中

萬縣丞歸應京兆試索詩

節園四絕句同淡甫作

節園種菜

陪湘陰相公游池上

奉答薛慰農先生

澤雅堂詩二集卷二

烏程施補華均父著

旅舍夜起作

委蛇一身計所處甯不寬慨然念時世志士心未安西
行赴邊塞長路何漫漫七月清渭濱聊用休征鞍涼風
動房宇朱夏忽已殘披衣夜中起北斗嗟闌干誰謂霜
雪遠秋至固其端儒生好暇豫疇肯任所難容華若桃
李方春良可觀賦命松與柏何以辭歲寒

奇木

東方有奇木出地三百春脩幹倚蒼天日月枝閒行垂

陰及下土蔭覆無不均歲久色憔悴父老多憂驚外有
風雨憾內有蟲蟻生枝葉苟傷殘春至還更榮本根不
自固甯不嗟摧傾摧傾亦未至所賴扶持人本根善愛
惜勿使蟲蟻親千秋與萬歲此樹常懷新

沈吉田觀察應奎以詩集見示作此奉贈卽以志別

西遊巴蜀東遼陽南天捧檄趨泉漳邇來秦隴苦兵事
短衣躍馬干戈旁平生材技無不有五十未覺鬚眉蒼
指揮萬事雷奮厲談笑一室雲飛揚中間曾作冷官冷
甌江茗水遙相望先生曾爲
吾郡學官風淒雨晦氣鬱律尺波豈
足蛟龍藏卽今帷幄倚才傑依然咳唾皆文章茗南弟

子鬢如雪十年重上先生堂故國荒涼話耆舊新詩哀
怨吟滄桑大瓢泛酒洗塵土華鐙皓月爭輝光酒闌語
盡意不盡一編入手森寒芒氣挾江山老逾壯汗流湜
籍驚欲僵詩人作詩搜肺腑空階切切聞寒螿右手揮
毫左手劍豪情自可凌八荒側身西望迷蒲昌妖星耿
耿垂欖槍安得我公籌芻糧馬騰士飽登敵場埽除巨
穴擒封狼天山南北軍聲張遠夷不敢當顏行百頭獻
馬千頭羊凱歌自作歌激昂字字金石鳴鏗鏘金城八
月飛嚴霜此酒黯黯成離觴出門萬派崑崙水別意與
之疇短長

吉公時提調糧
臺故後路及之

邠州雨阻

小雨如懸絲大雨若奔溜舉手障頭面淋漓濕衣袖驚
颺復橫吹骨髓陰寒透店遠難折歸河近有趨就勒馬
隄岸傾波濤作鼉吼欲渡中無梁心急雨加驟居民出
迎客穴處同猿狖煮麥供晨餐炊煙出巖竇晚臥頽榻
上蟣蝨若相構起坐搔皮膚窗燈綠如豆書生例強狠
風伯遭訟訴明攜一片雲先塞諸天漏脫衣自刺船憤
與蛟龍鬪

長武道中

林端一角縣城斜破帽當風走敝車睡眼誤驚春色好

滿山蕎麥亂開花

六盤山

蛇盤猿引度層峯雲霧冥冥未啟封天末一身家萬里
人間六月此三冬宋家好水悲飛鶴元代離宮弔螿龍
西去皋蘭山在眼秋嵐無際夕陽濃

高家店雨

天公遣白龍爲我洗塵土千山立馬時斜日照飛雨

青嵐山

山上一寸雨山下一尺泥驚馬耐鞭策躑躅埋四蹠躑
躑重躑躑人馬同飢疲稍進忽復退方東俄已西陽渠

驚險越陰壑愁暗迷蕭颯夕風厲黯淡寒雲垂車前鬼
燐慘車後狼聲悽馬鞍七十二冥度知高低層崖列荒
戍隱隱聞鼓鞳遠勞軍士送夜及山陰棲

節園中秋

西陲金鼓靜無喧良夜同登獨樂軒湘陰相國所築萬里鄉心

付明月五泉秋色入清尊黃河爲我分清濁相公於園鑿三池以

機器引河水澄之使清白菟如人長子孫園中多種菜醉後狂言應共

笑乘槎還欲上崑崙園中有槎亭旁肖牽牛及支機石

節園四詠

澄清閣

先皇夢大風吹滌乾坤垢桓桓湘陰公拂衣起農畝談
笑參戎機盜賊爾何有東征殲厥魁北伐執其醜劍履
趨

丹墀颺言

帝頷首花門反秦隴蹂躪歲已久日月光晦冥羣帥曳
兵走

帝曰汝西伐斯民魚在笱揚旌華嶽雲駐馬蕭關柳妖
鴟巢屢焚病虎岬空負天河波浩蕩公自挽以手山川
濯腥臊丁卯訖癸酉飛閣臨戎羌危欄倚星斗目營薄
海四心係齊州九千秋范孟博慷慨酌杯酒

獨樂軒

宗臣擁旌旄西顧憂患始干戈定何年瘡痍慘如此紛
紜計兵食終夕每三起秦隴出垢汙洗手還

天子重城初駐節老圃常曳履屋上娟娟山屋下泠泠
水拄杖過前軒開顏時一喜飛來羣鳥雀飲啄得所止
羅網自無驚鳴聲悅人耳誰云公獨樂衆樂亦未已優
游謝君實閒臥洛城裏

飲和池

五泉翠崢嶸層城瞰平麓黃河莽盪來千里始一束焱
輪激飛濤揚清去其濁怒注園中池餘瀾噴草木分趨

尚洶湧合赴更洄洑俯臨見潭底奚啻纓可濯城隅十
萬家瓶盎任儲蓄下流足垢穢奇器尚滲漉資彼旋轉
才飲此和甘福吁嗟泥沙汰責任在當軸請效湘陰公
澄波收萬斛

一繫亭

卽槎亭

潛虬樂幽窟適與雷雨期孔明出師表不忘隆中時耕
耘食其力吾道誠如斯飢溺視未忍出以身救之我公
昔未遇偃蹇湘之湄東臯日辛苦志飽妻孥飢紛紜羣
盜亂感激

先皇知赫然起閭巷手正神器敲征誅十餘載秉鉞天

西陲珪組

聖主恩畎畝微臣思空亭擬浮槎澄波想漣漪洞庭八月晚獨泛秋月歸牛今日努力我惜加鞭笞婉婉此織女夜理機中絲馳驅失農業刻斲勞人爲公餘偶宴息悵惘鄉園違舉杯自斟酌高詠杜陵詩

鄭樞卿太守子兆屬題美人畫幀

春山夜曳幽蘭魂靈風擣作嬋娟人墜地不鑿聰明根
嫉光眇視層波皺翠雲滿梳滑且勻晶簾未許留一塵
鐵沈骨醉回宵溫釵光釧響疑可親翩翩唐生工寫眞
詠懷

今晨非昨朝白日不待人冉冉百年逝何以存吾身生
滅任氣化道與諸蟲鄰浩歌一室閒精氣馭九垓驅車
度關隴徧揖英雄墳其人去千載慷慨疑可親長虬蟠
下澤鬱極方思伸矯空知何時拂拂噓霧雲

天馬感龍精骨相多權奇長鳴嚙野草常具千里思負
轅上太行踏蹬遭鞭笞血流被四躓骨折中心悲生未
遇九方俶儻無由知甯知九方殿亦有驚駘姿區區此
芻豆爭食無已時昂然入其羣留人嗟歎之蹇行自得
飽誰與爭驅馳

身世兩相棄歸耕心亦安負耒出東皋可憐貧無田無

田食破硯墨汁日以乾慨然對妻子甯不憂飢寒生無
隱遯資不退終當前造物弄狡獪仕隱使中懸越姝美
而惡齊女醜而妍人情匪有改天運相爲然樗全殊復
樂誰喜爲其難拔劍忽四顧怒焉摧心肝

乾坤無迂儒元氣久已死世俗競爲圓吾方不可毀張
孔兩大儒苟得遂忘恥古來開濟才不屬和柔士窮達
吾有天奧竈皆不主姝姝以取悅得失豈相抵咄哉諂
佞言何由至吾耳舐痔多得車適爲莊生鄙

金城雜感

萬里西游客窮愁氣自雄節旄依尙父鬚鬢媿終童馬

蹴陰山雪駝鳴瀚海風還思投筆起絕域建奇功
翩翩好書記吾謝阮元瑜獨夜悲鳴角同曹笑濫竽有
時林下酌隨意府中趨醉撫雙龍劍艱危或汝須
倔強諸回鶻猶憑赤谷城鯨鯢稽顯戮斧鉞失專征遠
賴關中粟終飢塞外兵屯田眞上策長憶趙營平
畢竟西京賦難滄

聖主聰千秋傷良獄一

詔罷離宮土木妖堪勝乾坤日再中還應陳水旱蹇蹇
大臣風

蠻觸爭無已王人爲解圍金縉分國計雷電惜

天威槍急銅丸裂船輕鐵甲飛長崎渺爾國慎莫啟兵

機

普魯士國後膛槍米利堅國鐵甲船中國皆能做

誰言家萬里客夢片時歸兒女懷中戀鄉園覺後非灌
田吾願足仗策此心違旦晚尋初服閒鷗自在飛

故人陳大令

藍洲

遠寄武昌書肺腑真能語關山最念

予讀書曾慷慨入世總迂疏安得囊中處稜稜脫穎初

來書有如錐處囊之語

晨雞不肯鳴孤館耐深更山色寒如夢河流凍有聲談

詩來鄭老

樓卿

把酒共吳生

恩榮字梅溪

坐盡熒熒燭憐子

寐未成

答湘鄉章淡甫瑞坦

衡山元氣老不死廿年將相春雲起空虛日夜更盪摩
散作文章燦如綺王生鄧子皆奇筆湘鄉老章此其一
金城節署發醉歌袖中蒼莽衡山色鬪牖夜語燈火青
凍雪壓竹敲窗櫺飢腸輾輾兩輪轉破吻忽出秋笳聲
吾家具區照城郭翠浪銀濤勢噴薄六千里外和君詩
咫尺亦愁雷雨作

得家書

萬里關山正自哀眼穿纔見一書來封題細認平安字
輕易鐙前不敢開

八行鄭重到天涯
睡眠眼頻指認墨華
猶有語言無字處
酸心只說早還家

雪夜與梅溪飲酒

造化小兒好奇弄
夜啟天門驅白鳳
更催玉女織元雲
三十六天合無縫
皋蘭山下大將營
時有清笳驚斷夢
書生草檄手欲僵
壯士荷戈鬚已凍
尖風怒捲旌旗聲
急霰忽穿窗戶空
南郭先生真濫竽
逐隊隨行百無用
黃河坐聽結冰橋
白酒起呼開雪甕
圍鑪翦燭招吳生
萬里相逢飲須痛

雪後同羅鏡鯤張海樓汝學梅溪登拂雲樓觀黃河冰

橋

朝陽射雪眼花亂城上高樓望璀璨荒山笑似疥駱駝
唯有浮屠插霄漢大河西來風擊水十日堅冰凝不散
遠村近邑通往來行人已集東西岸狐狸曉聽應有跡
舟楫夜膠那能喚徐徐試涉猶褰裳稍稍爭趨堪負擔
停車駐馬心躊躇沈淪恐及中流半一條迤邐雁行斜
幾輩淒涼魚腹憾冬官有政誰講求高結浮橋待冰泮
天涯是處多危機行路艱難古所歎

左孝子詩

諱孝威字子重相國恪靖伯之冢子

浮生不自植百歲猶童殤閉門脩孝弟命短道已長大

功軒天地至性周倫常均以完我分銖兩無低昂嗟嗟
左公子弱小嫻義方成人如嬰兒嬉笑庭闈旁母病醫
束手夜禱星斗光抽刀暗割臂甯不知毀傷情危禮難
止事迫身亦忘麻衣走萬里謁父涕泗滂軍書日絡繹
載筆參戎行何以代父勞憂

國鬚眉蒼中哀託外愉臣精易銷亡宛轉諱疾苦難匿
形瘠尪慈父惜佳兒命兒還故鄉故鄉年少子弓劍趨
敵場殷勤煩寄聲善飯筋力強中遭季路戚嗚咽摧肝
腸淒淒方撫棺奄奄忽在牀彌留盼捷書張目頻西望
依依顧諸弟欲語心悲惶自憾養不終敢誦名譽彰人

心各有天潛行爭表揚忠門得孝子

綸綽褒煌煌相公正敲器撻伐

皇威張垂老見天折淚落常鬱快修德豈爽報或不以
年償諸孫斬頭角小厄還大昌

十二月二十日雋峰方伯招飲時河州之賊初平官民
相慶飲次極歡歸作一首

邊風獵獵紅旗來歡聲萬戶鳴春雷主人一笑華筵開
琉璃鐙影明官閣雅謔高談止還作門外雪花如掌落
若耶美酒清可貪白魚紫蟹黃金柑令我一夕思江南
坐中酒令依軍令拇戰前茅兼後勁賓主騰觴互相慶

歸來夜半更漏遲縱橫醉語旁人嗤尙誇摩壘舉旗時
遙哭楊黼香太守師三十韻

逝矣楊夫子哀音到隴遲遙揮萬里淚眞負十年知問
族羊城著傳經馬帳垂玉堂詞賦體烏府諫爭姿對仗
稱鳴鳳衡文快得驪績逢三載考老及一磨持作郡吳
興古安人太守宜荒原經盜賊比舍盡瘡痕雞狗尋遺
種桑榆臍斷枝亂餘還里日飢失種田時慘慘停車問
嗷嗷發廩施殘黎須護惜小過忍鞭笞屬縣官俱好行
鄉吏不欺民皆就慈母公只哺嬰兒釋菜諸生聚投戈
六藝治每申庠序教時濟誦弦資秋隴爭收稻春船開

賣絲鹿鳴貢王國鵬擊想天池賤子方憔悴先生特歎
咨潛虬氣盤鬱病驥骨權奇力辨讒人語情傾薦士詩
飛騰眼頻拭蹭蹬命難爲不律誠何用兜鍪亦未辭窮
邊犯風雪上相擁旌旗長揖容參幕高談其引卮稍舒
游子恨遽痛哲人萎何處憑棺慟平時執杖隨登龍虛
仰望譽鶴太褫褫况覓循良傳方憐父老悲扁舟儻歸
去爲立峴山碑

送張介卿觀察宗瀚還湘陰

乙亥

淒淒同僚念久合惜暫離悠悠游子心久出思暫歸歸
亦不可緩離亦良可悲驅馬隴山下艤舟湘水湄登堂

拜慈母入室呼癡兒童孫躍懷中嬉笑知阿誰戀此骨肉樂忍與冠蓋期冠蓋苦逼人出處難自持不見還山雲須與風吹之光輝夾日月仍傍天衢飛東雲與西雲會合當有時今日且爲別卮酒君莫辭

送饒子維太守應祺之官秦中

絕域愁騎客黃河日夜東登高一長揖旌旆又關中疲馬春啣草蒼鷹曉擊風銘功蔥嶺近我自媿文雄

秋風同度隴春雨早還秦作郡須賢達思鄉忍賤貧青山方待我白髮況欺人歲晏長安市歸看阜蓋新

萬縣丞歸應京兆試索詩

惡歸勝美游而況游不美蘭山適有緣緣盡君行矣君
行亦不歸挾冊臥燕市白日揚黃塵開門目易眯文章
問何憑寸管書尺紙博徒爭一擲得梟卽爲喜萍梗墮
湖江泛泛隨流水棲託各有方水流物自止人生論飲
啄前定每如此請求安心法窮達偶然爾

節園四絕句同淡甫作

嬌蜂穉蝶舞參差三月濃春度隴遲留得東風無限好
光陰初到杏花時

故鄉風景異鄉情池館深深未放晴斷雨零煙鴉數點
綠楊如夢過清明

萬里黃河繞郡城雙輪揚激費經營臨池不信清如許
碧玉寒光翠珮聲

東風榆莢散如錢十日輕寒未卸棉昨夜櫻桃花下立
春星窈窕月嬋娟

節園種菜

健兒好身手捕寇如捕鼠寇平歌謳歸不耐灌園苦湘
陰老耕夫功名抗伊呂河隴春風生種菜開後圃熊羆
聽指揮一笑皆亞旅種子分布地名類粲能數偃僂東
西阡楚語相爾汝曖曖初升日微微夜來雨潤氣暗鬱
蒸嫩甲坼新土勿嫌輦糞穢精華出臭腐十日登春粢

午餐佐梁黍念此精力勞薄物惜多取嗟哉種菜勤耒
耜襍斨斧愿樸餘農心誰復矜強武瞑目而語難時清
招網罟還家脫兜鍪冀可從田父

陪湘陰相公游池上

清氣集池上隨坐心湛然衣裾映寒碧如對空山泉澄
瑩乃水性河濁非其天泥沙巧滲漉人事良有權汨汨
出城下溶溶過林間委蛇赴三池渟溜無回旋離垢識
淨理涵虛生靜緣輕風蕩文漪空明含至妍幽芳懷夕
潤初花表晨鮮池底見雲鳥形影相與閒尺波論萬里
浩浩疑目前激揚猶有人視此清且漣

奉答薛慰農先生

卷之二

三

春風吹旅雁初自江南歸歸將萬里書遠致天西陲開
書再三讀懷念多苦辭懷念良未已申之以歌詩小子

狂且簡

謂陶方之及余

惜與吾師違安知離索感繾綣勞吾師

老人植雙樹且晚望華滋目構尋丈勢亭亭赴心期雙
樹近連根榮悴異其枝悴者甯不榮乘氣各有時託根
既深固豈失干霄姿的的老人眼十年良恨遲河西盼
江南關山遙阻之關山阻我目悠悠如我思

拔劍忽四顧宇宙何茫茫古來英雄人奄忽歸北邙西
游指秦隴息馬空同旁空同有喬木鬱鬱參天長上有

孤飛禽欲止猶迴翔初日淪虞淵白晝天無光海風蕭
條來蓬蘽隨飄揚徘徊喬木蔭棲託嗟何鄉常恐秋雨
至颯颯沾衣裳

西望祈連山豺狼猶怒嗥東望滄海隅長鯨狎波濤北
望何所見天宇夜寂寥星辰光黯淡月出尙未高馳驅
七千里我行良已勞願因浩蕩風吹此秋鴻毛物輕誠
易舉倏忽淩煙霄鴻毛與泰山土固隨所遭但恐風力
弱中路嗟漂搖孤根著故土曾不如藜蒿諒哉王無功
負耒吟東臯

西湖盪我前琉璃三十里青山傍船頭翠柳垂船尾先

生曳杖聲時過柳陰裏臨流歌新詩鷗鷺皆歡喜柳陰
多酒家招我同游子鱖魚長尺半初出三潭水世事毋
多談且盡芳醪美兒童拍手笑老守今醉矣哀笳吹斷
夢山城春睡起西湖在眼中邊月照窗紙

譚生游皖南名大官苦卑尻高而首下不救妻孥飢李

生去桂林子長道遠音書稀問與于羅城官況誰瘠肥

陳生鄂渚上乍出常思歸趙生走幽燕桐生一麾猶未

持謀身尙不及暇計民瘡痍仕宦語貧乏氣阻旁人疑
不若耕田夫習苦心自怡陶生金閨彥美政流荒陲官
齋如僧房法喜遠莫隨賤子賤無官亦滯天之涯寥落

並如昔徒益分離悲先生若滿月皎皎光無虧四方隔
千里各自瞻清輝

澤雅堂詩二集卷三目錄

魏午莊觀察光燾索柳湖書院詩

節園紀事

雁

坐一繫亭

章澹甫所居銀杏歌

顧穎樵畫山水尺幅爲陳芋僧題

不寐

雨夜

金城秋感

送羅孟威長祜出塞

中秋月

張雲心太守承變述其母夫人教子事是亦余之所痛也作二詩贈之

送雲心牧肅州

贈董研樵觀察

問月

余二田澤春湘江垂釣圖

乙亥九月風雨有感

節園采菊

答袁子菁徵楷

題壽陽祁文端遺札及詩後

贈徐訥安韋佩

送鄧子柔光禡

雪夜同周子巖崇傳及訥安作

酬巖紫卿金清

同訥安訪阿公祠張道士并柬子巖

從軍詩

丙子

軍發蘭州

紅城堡

平番縣

岔口驛

烏梢嶺

古浪縣

靖邊驛

涼州

豐樂堡

永昌縣

水泉子